

14 NOV 1997

KEMUNCAK KEEMPAT ASIA-KYUSHU BERMATLAMAT TINGKATKAN KERJASAMA

LANGKAWI, 14 Nov (Bernama) -- Sidang Kemuncak Pertukaran Serantau Asia-Kyushu keempat, yang akan dirasmikan oleh Perdana Menteri Datuk Seri Dr Mahathir Mohamad di sini esok, akan membincangkan cara-cara untuk menggalakkan lagi pertukaran bersama dan kerja sama di kalangan rantau peserta.

Tiga hari perbincangan itu akan menumpukan kepada langkah-langkah konkrit untuk memudahkan pertukaran dan pemindahan teknologi serantau daripada rantau-rantau yang lebih maju kepada yang kurang maju, penganjur sidang kemuncak itu berkata di dalam satu kenyataan hari ini.

Para peserta terdiri daripada beberapa wilayah Jepun, Thailand, Vietnam, Filipina, Korea Selatan, Indonesia, China dan negeri Kedah.

"Gerakan Satu Kampung Satu Produk," yang digalakkan dengan cergas oleh rantau-rantau peserta, juga dimuatkan dalam agenda.

Kira-kira 350 orang dijangka menghadiri sidang kemuncak itu. -- BERNAMA  
AD OS